



## Okončana istraga protiv uhapšenih u akciji Osoje Za šverc droge u Hrvatsku optuženo 13 osoba **Osumnjičeni se terete da su koristili šifrovane termine koji su označavali vrstu i cijenu narkotika**

Tužilaštvo BiH podiglo je optužnicu protiv 13 osoba koje se terete za organizovani kriminal, odnosno šverc heroina i kokaina iz BiH u Hrvatsku, te je proslijedilo Sudu BiH na potvrđivanje.

Ovom optužnicom obuhvaćeni su Adis Burić (1976), zvaní Burke, i Đragoja Danko (1974), zvaní Lepa, obojica iz Mostara, Edin Arnautović (1980), zvaní Edo iz Sarajeva, Semir Habibija (1966), zvaní Habe, iz Mostara, Petar Bošnjak (1960), zvaní Paće, iz Posušja, Mario Bošnjak (1988), rođen u Mostaru, nastanjen u Posušju, Denis Tabaković (1979) iz Čapljine, Igor Lečić (1977), zvaní Lećo, rođen u Mostaru, nastan-

njen u Čapljini, Slađan Dragičević (1978), zvaní Srebrenica iz Čapljine, Almir Denja (1977), zvaní Kefa, i Valentina Sulić (1984), zvana Tina, oboje iz Mostara, Josip Ćuzić (1978) iz Širkog Brijega i Mirko Primorac (1957), zvaní Jana, iz Čitluka.

Ova grupa je, kako su istakli iz Tužilaštva BiH, djelovala od aprila do septembra prošle godine, a prema prikupljenim dokazima i rezultatima istrage, Burić, koji se trenutno nalazi na izdržavanju kazne u KPZ-u Zenica, u cilju sticanja protivpravne imovinske koristi organizovao je grupu i rukovodio njenim radom.

- Optuženi su najčešće koristili šifrovane termine koji su

označavali vrstu, količinu i cijenu droge, kao i mjesto te vrijeme susreta radi preuzimanja i isplate. Oni su u više navrata prokrijumčarili između 3 kilograma i 220 grama heroina, te 650 stotina kokaina, naveli su iz državnog Tužilaštva, uz napomenu da je optužnica rezultat zajedničke i uporedne istrage sa policijskim i pravosudnim organima Hrvatske.

Uz optužnicu je priloženo ukupno 114 dokaza i predloženo saslušanje 12 svjedoka i stručnih vještaka.

Inače, članove ove grupe u septembru prošle godine uhapsili su pripadnici SIPA u akciji kodnog naziva Osoje. **L. S.**